

在文川网搜索古籍书城
获取更多电子书


中國方志叢書·第十七號

據清道光二十六年刊本

影印

廣西

龍勝廳志



6095126/09

成文出版社印行



中華民國五十六年五月壹一版

龍勝廳志 全一冊

定價：新台幣一二〇元

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號

印刷者：正 大 印 製 廠

三重市長生街二號之一

版權所有


內政部登記證內版臺業字第一一四七號

龍勝一廳志

番禺葉恭綽

docsriver 文川网
入驻商家 古籍书城

在文川网搜索古籍书城 获取更多电子书



丙子孟冬

龍勝廳志

龍志澤




世無此國
十無此族
十無此家
十無此身
影月

道光丙午季夏刊

廣西龍勝廳志

好古堂藏板



龍勝廳志序

我

國家

聖

聖相承覆育四海罔有內外悉主悉臣幅幘之廣亘
古所無粵西昔屬蠻荒至

昭代而羈縻之地咸入版圖文物聲明比隆中土讀

通志一書典章制度縷晰條分足以信今傳後
其餘一郡一邑又復各輯志書用存一邦文獻
惟桂林西北之龍勝處萬山之中叢篁深箐猺
獞雜居乾隆五年苗民蠢動始移桂林通判專
轄其地一切創置規模未備方策無徵故載入
省志者寥寥無幾乾隆辛巳庚辰間金哲訓別
駕曾任是地搜訪其山川院塞宵小竄匿之所

著桑江紀要一書某宜屯兵某宜置戍部居別
白若指諸掌今其書已散佚無存將欲草創討
論煥邊徼以文章此編摩攷訂之所以難也周
霽嵐明府攝篆是邦稽之往籍訪之輿論覈實
徵信絜要提綱成龍勝廳志一卷索序於余余
按方國之志掌於外史將以紀形勝辨土俗詳
其興廢得失為求治者之龜鑒故江文通謂作

史莫難於志古來如李吉甫元和郡縣志樂史
太平寰宇記王存元豐九域志祝穆方輿勝覽
等書採摭繁富足為攷証之淵海地理之大觀
其以簡勝者明韓邦靖撰朝邑縣志二卷論者
謂書僅二十餘篇而上下數千年包括鉅細敘
次點綴若有餘閒無局促束縛之迹明以來推
為絕作今霽嵐此書義例分明綱目具括頗費

苦心然則覽形勝關隘知備禦不可無方按戶
口田賦知生聚不可無術任職官則敬慎而念
民依建學校則鼓舞以伸士氣采風俗即當徐
圖化導核物產即當默驗盈虧治道之綱維民
生之利病胥於是乎在况運會所開日趨於盛
繼自今民物之殷阜俊乂之衆多風化之淳良
禮樂之明備必有什百於是編之所載者霽嵐

新任義甯與龍勝接壤於以因地利民設誠致
行仰副

聖天子設官分職加惠邊氓之至意則此志也豈僅
謂規制具備為方隅潤色而已哉

道光歲次丙午嘉平月中浣山左濟水馮德馨
撰並書

龍勝廳志序

此龍勝廳志全冊義寧新尹吾宗

霽嵐南宮之所作也其地屬桂林郡治爲府
別乘所分轄土著半皆苗徭人多獷野故俗
惟尙質性且難馴蓋自

國朝初入版圖近年來亦駸駸乎解編髮而慕
義是在守土者有以潛移默化未嘗不可期

於道一而風同也霽嵐以九江名進士出宰
嶺南先是代庖斯篆休沐之暇乃創爲廳志
旁徵博引綴輯成編今年冬予以恭膺

簡命視學粵西甫到官見學政全書有龍勝廳增
設學額二名之條此嘉慶三年事數十年

聲教所訖意者人才必漸有可觀匪特爲羈縻勿
絕而已採風固使者之責例得冊報山川圖

docsriver 文川网
入驻商家 古籍书城

在文川网搜索古籍书城 获取更多电子书

誌備覽以資考核諸郡邑舊存志乘方將編
乞於所司會霽嵐勾當公事小住桂垣晉接
之餘出此編示予而問序讀竟不禁恍然有
慨於霽嵐之爲政也龍勝素稱難治僻陋相
仍夫以盤根錯節之區不存五日京兆之見
而獨留意於是文獻足徵是其於治聿有猷
爲誠能知所先務矣古循良吏何多讓焉今

義寧與龍勝界適毗連吾知霽嵐涖任以來
必當多所述作將慧山壤接共爲

昇平文物之邦而瘴雨蠻烟悉被化於

堯天

舜日也已予與霽嵐相交日淺因讀是編而知其
人不失讀書本色然無論夫筆墨之工而深
歎夫爲政能知體要爰疏其崖略以爲之弁

云

誥授奉直大夫

賜進士及第

欽命提督廣西全省學政翰林院編修宗愚弟周

學濬頓首拜撰

--	--	--	--

龍勝廳志序

郡縣之有志所以著其地之山川城郭與其
世之人物藝文卽小邑以覘大同考獻徵文
將於是乎在斯誠守土者之責而非尠見寡
聞之士所能爲也同年

周霽嵐大令博學洽聞尤長於識所治凡諸
興革莫不令行而禁止丙午秋相聚桂林以

所鉞龍勝廳志見示屬爲弁言蓋其舊權是
邦通守所輯也其書曾不盈指由分野以至
積貯部別類分略具眉目居然一小結構所
謂大輅之椎輪層冰之積水也獨是龍屬爲
粵中邊鄙地多險隘民雜猺獞其人文都無
足述卽諸書所載土著各異名形狀其說亦
多不一難可考証始予以爲彼區自我

朝乾隆初戡定建置嘉慶間又設立學額迄
今百有餘年當

文教昌明之世彬彬日盛宜一變其風土人
情僅列土苗是編似可不作由是更數十百
年果能蒸蒸向化摩義漸仁則其中人物必
有異於疇昔相與悔其前日而改易之是編
雖作或且可以不存旣而思之伏羲神農黃

帝以前自盤古以逮燧人巢居穴處飲血茹
毛作史者何爲及之讀史者又何爲至今存
之豈不以其風沕穆其俗淳龐欲使世變風
移之後猶知其本始故乎然則 霽嵐之創
爲是編也其亦有見於斯他日之纂修志乘
者此其濫觴而是邦之文物振興也此其嚆
矢矣

欽命翰林院修撰提督廣西全省學政年愚
弟李承霖拜譔

A table with 8 columns and 1 row. The table is empty. A tab is visible on the right side of the table.

--	--	--	--	--	--	--	--

龍勝廳志序

天下輿地歷代之得失載於史詳矣惟我

朝幅員最廣蒙古回部諸落固不可以里計而臺灣新疆
金川西藏皆創獲龍勝舊爲苗寨屬義寧僅有桑江巡檢
羈縻之至乾隆五年秋吳金銀亂平六年始設通判一巡
檢二副將一都守以下各弁統重兵駐之以苗民易動且
毗連南楚爲桂林屏蔽故策之完且善如是蓋

皇威之暢亘古立隆矣廳設甫越百年文籍闕如余莅任

五閱月公餘稽往牒訪耆老緝成廳志一本雖未免簡略然以備修史之採殆庶乎始基之乎道光丙午元旦序
賜進士出身文林郎知義寧縣事周誠之撰


docsriver 文川网
入驻商家 古籍书城

在文川网搜索古籍书城 获取更多电子书

龍騰莊圖

北 隘水橫至里百一路北

城崇崇山百十五里西



南 至里十二百一路南

城崇崇山百十五里西

水汛與湖南武岡等縣流奔

東附大山慈保層巒疊嶂不通道路東

東南路百八十里至義寧